

虎谷集

寓別集

聯珠集

贈行集

會合集

後序

姓氏

第四册



04976

刻席谷集序

物有求之數十年而竟得者此也
人力之果能改之其物有不可終沒者
也予於席谷集而歎人之立之誠不可
不先有以自立矣管予裡兩君公以順
治己系成進士明年授和州宰又以重

總序

授部職携有席谷王中丞行實錄
傳於家予每讀之慨然想中丞之為人
因購公文集思快所欲觀乃求之廿餘年
竟不日嘉慶甲戌淇成進士二銓授
和邑宰欣然曰席公有靈斯文豈將出
乎地抑邑三日得之之後裔格之始知



遺編久軼手澤蕩然予愧嗟久之命
夏加追訪蓋物之貴者不難得也如
此乙亥益夏門坡士趙漪家有所錄中
述詩文各一冊公裔孫三搆丐得之又
三月得寓別集一卷聯珠集一卷竄後
又以古文一冊經行集及會合集各一卷

總序

二

其古文以趙氏詩錄之中冊古文以及
合者以嗚乎中丞王朝衍事平赫、杜
人心目者固不必借文傳而人臣如中丞
世文安不可不傳也夫以明代禮初家
烈公為部轉時即上疏祈斬李廣起
為國子祭酒獨不結納於劉瑾使憲

者之出人臣皆必中選彼簡於老安能擇其
毒害者終當日與公遊者必海內名彦
大河以北必石文介毛文簡王恭襄高
莊簡江淮而南必英文端楊文恪蔡文
莊虛齋邵文莊之象頤文僖尚書靳文僖
太傅類皆卓犖自立大異於世俗之所為而

總序

三

閱中呂文簡韓莊簡又皆出於公之門終
萬守公之所教終則公之立之垂世與人
之可以證之於公者實皆與不容後之埋沒
予之求之也數十年而果能得向使公
事君播衆碌、棘可稱即遺文堂前
矣頤而實耳抑誰復軼而求之求而得

且寶之貴之也今日也尋雖然公文散
佚已數百年此所得者十之五六為呂
二公碑誌所記其文多已弗存予思
此地得者之更復散失也因訪之他邑
苟及金石又得數十條皆匯而校之以
付梓氏之裔孫恩仁六款於任其子

總序

四

而不顧資於衆力也閏五月書成因德
其巔末後之有志立言者曰公却貢
柳劾李廣諸疏而續刊之是更予之
望也已丙子仲春

賜同進士出身和順縣令前覺羅正黃旗

教習通州雷學淇序

分題寓別集目錄

分題寓別詩序 邵賡

鐵牛

石壕

西樓 喬宇

望仙臺

函谷天險 王瓊

阿對泉

桃林塞 趙鶴

目錄

桃林界

逆旅亭

澄瀾堂 杭濟

蝦蟆泉

砥柱山 何孟春

獨遊山

披雲亭 陳欽

神雀臺

繡嶺宮 李贊

墨池

甘棠驛 李真

茅津

魏埜草堂 張展

張芝墨池

聯珠集目錄

贈寅長王君知陝州序 錢榮

聯句贈別 五首

贈別詩序 邵寶

目錄

靈濟宮聯句 九首

慈仁寺聯句 九首

世卿席上聯 二首

子元席上聯 二首

贈行集目錄

擬別知賦 壽宇

贈行韻 陳瑞

送王陝州 傅潮

送王虎谷之陝州 彭桓

十六日大風懷王祠部

劉瑞

病中送王虎谷謫陝州

四首張志淳

送應韶之陝州

王倫

次前韻

王瓊

次前韻

邵寬

前題

王鑑

前題

楊廉

前題

仇東

贈行

陳策

目錄

前題

吳一鵬

前題

楊節

前題

錢榮

前題

范兆祥

贈別

李貢

前題

張子淵

前題

何孟春

會合興餘集目錄

贈虎谷入覲擢陝西提舉

喬宇

再疊前韻

贈虎谷次喬考功原韻 邵竇

前題 二首李贊

次白巖韻 王瓊

次前韻 二首張志壽

跋會合餘興卷 蘇宏祖

目錄

分題寓別集

分題寓別詩序

行有贈古也言而詩詩而有所指以起焉此興之流而古之變也故君子不廢焉禮部郎中王君應韶出守陝州寶辱相知預設燕餞賓客數人人爲二詩詩各有題以寓贈言之意蓋取諸此其始作也或談陝之故蹟有底柱者曰此禹功也應韶正色危言表然立於朝識與不識皆知傾仰以是往治陝其濟乎某盍賦是或曰蔽芾甘棠召伯所茇自陝以東皆是也

虎谷集

而始於陝故今以甘棠名驛召公之遺應韶繼之某盍賦是二題旣立衆以爲然然作者尚多詞厭複出遂相與搜閱陝志歷選名勝以盡古今之變而底柱甘棠大矣嗚呼有底柱之德則可鎮天下之繫撼有甘棠之德則可綏天下之流離豈惟一郡哉至於斟酌擬議激昂闔闢固有道焉及其歸也無愧於古而已矣應韶茲行罔曰跡異惟其心同勿難厥難勿易厥易以合中正爲前人先不亦可乎後之視今猶今視昔焉知今之舉不爲他日之故事也諸作旣成寶

僭爲引宏治戊午二月六日奉議大夫戶部郎中無錫邵寶

鐵牛

無錫邵寶

河北偃牛尾河南峙牛頭牛身亘河內萬古鎮陝鄂
作者云自禹精深協神謀母金厭子水以類坤爲牛
默奪造化用一沈永不浮摩挲太古色至今幾千秋
公行視其脊欲鞭且還休奇非銅鑿比質有石鼓俾
願言頌公德屹然坐中州中州不足撫四海六饋流

石壕

虎谷集

二

吾聞石壕路昔吏今無之偶閱陝州志因傷杜陵詩
召戎始女禍反復必至茲吏也非得已不幸當其時
乃今數千載地里若改移俯觀黃河濶旁觀原田滋
鷄聲叫白晝挈榼餉東菑欲問天寶事石壕故無知
作詩告太守保此恬與嬉恬嬉守所愛滔滔竟何其

西樓

樂平喬宇

送君之號州聽我歌西樓西臨潼關之古道北瞰大
河之奔流草青綿而漾春山莽蒼以橫秋遷客一登
眺或可以寫胸中萬古之閒愁君有長才領州牧四

境赤子瘡痍待君瘳待君瘳百廢興乃以邀以遊瞻
北極俯東周手揮紫毫目送輕鷗放歌天地窄醜酒
風雲收醉呼甘棠起召伯恥與後代詩人儔

望仙臺

河上公結廬嶠函東吸元氣餐清風出入紫府隨風
龍道尊不可招車駕親幸乃授書一通河上公今安
在丹成已上升漢家天子空相待築臺望公公不來
白日蒼霞映光彩河上公真有無千年廢址坐寒蕪
君今登臺興不孤笑指羽化非吾徒采風但寫幽風
虎谷集

三

圖神仙之事安足模

函谷天險

晉陽 王瓊

十載官南宮一旦謫居陝左對嶠山右洪河萬古函
關號天險緬懷遺跡感慨生地不改人事更長安金
榜同時客眼見雙尖鬢毛白窮居非損達不增念之
曠然神思澄州民彫弊待賢守且向東風勸農晦

阿對泉

京國交遊十載多東郊此別意如何省垣往事真成
夢漳水新盟尚未訛楊柳不知離客恨流鶯似欲向

人歌陝州到日春將盡阿對泉頭接輿過

桃林塞

江都趙鶴

桃林高控秦中路勢走青冥莽回互積霰西飛華岳
陰驚沙東接潼關暮憶昔周郊戈始偃六軍歸農罷
輪輓捷犢千頭綠草肥舊桃十里紅相遠後王恃險
崇關防高原幾作爭戰場紅桃漸稀白骨盛朔風次
冷秋雲黃

桃林界

國家一統無分壤關南關北撤兵仗百年不識征關
虎谷集

四

聲萬物重瞻太平象陝州使君號遺直重自春官臨
郡國古人德教期有成俗吏文移拘未得陝州保障
眞長城還憑文化銷甲兵便令賣刀買牛犢桃林處
處開春耕

逆旅亭

遙遙逆旅亭冠蓋紛相集朝送秦客歸暮導燕賓入
亭南浩雲浮亭北漫水流雲水變今古客路何時休
英英陝州守謫官漫水口昔對春宮花今詠秋河柳
人生如萬物榮悴亦易時荒亭未堪託芳政還永垂

洪川漫千古適與吳公會觀瀾契其心作堂水之匯
高檻俯清漪涵照盡淤穢劉公感後來撫壁題詩在
賢明顧異時圖志具登載雕甍儼崢嶸州民仰遺愛
有美春官郎中朝勵風槩行矣把一麾居然兩公代
願以揚斯瀾枯槁廣沾漑名堂久益光功業期君待

蝦蟆泉

人云古州治有泉出其石發源地中來分流從石竇
今古流不窮冷然夜而晝一鍾注澄泓凜冽凌珉甃

虎谷集

五

了非鱗介居疑有蛟龍守歲旱卽禱之滂沱發涓流
猗彼韓公詩遡茲蹟維舊君行酌斯泉載將芳潤漱
沛作商家霖神功彌宇宙

砥柱山

抑揚
何孟春

繫黃汜之鳩噴兮原萬里而自天道陝東其焉如兮
卒執扞而洄沿方橫衝之無端兮習焉遁此孤植豈
夏后呂旃驅兮逖鄉景而徠艤叶蒲北反不設縱其湫漫
兮物孰爲之涯澣龍門呀於山棗兮走灘灘而就下
河中立而閱波兮天畀之巨其扃羗春撞之爲鎮兮

昇尋常之洲淤叶呼古反嗟世衛之瀾狂兮禦古今而有

之惟君子之舜節兮潛歎挽於當岑四兆讐之所蔽

兮誠蹇蹇之不能舍叶尸古反凶放謫而不諱兮亦人中

之砥柱五馬儻其行色兮蹂釀媛之東風叶孚金反應韶

訴余以別兮即余以楚唵悵甲鼉之莫留兮遵南陽

之屬郡披輿志而興衰兮尚茲山之可問自處之介

植兮靡儻恃其嶽岑計兩間之博大印風裁而心歆

攀建業之石城兮齒朱陵於衡渚岵何為乎漢川兮

推何獻虜灑灑叶當古反崑崙於奇勝兮多不滿於角

虎谷集

功雖剝籍之贊紀兮辨寰瀛而幾同置橘以為像兮

靈均之有意也余茲托而嗽詞兮寔先生曩之態也

態叶替

獨遊山

三黜坐直道一麾當左遷王君笏陝郡符竹勞承宣

地異長沙之卑濕路非潮陽之八千前人雅重文章

守逐客健尋山水綠美酒曲街何必惱敲門挽屋事

草草潛蚪暫借尺冰居骨相難應簿書老有時按部

過閑鄉秀句滿供風月囊積翠萬尋歆馬傍仙遊誰

復原軒皇寒室中折見草樹松柏蔚茂芝蘭芳達士
教心等今古登臨底事須吾土平生真賞寄林壑肯
巨粗官細簪組春送東風兩足閑謝公履齒獨遊山
向來踪跡殊無端笑猗寥廓窺塵寰百年滔滔岐路
間回首冰雪凋朱顏金石志礪困不悔江山形滯名
應在一樽弔古竟屬誰蔽芾甘棠有遺愛廊廟而今
正渴賢持衣售暑還渠輩不才孤抱鬱憂愴蠹藁斯
文任風槩願子震鳧養健翰浮雲寧久翳長安他年
會有刀頭夢飛渡羊腸百八盤

虎谷集

七

披雲亭

江東陳欽

秦關維嶠函陝右東迤邐峨峨羊角峯岷礪屹相倚
上有百尺亭飛翠拂雲起相傳明昌間傑構耀梗梓
丹崖傳夕照迅景逐朝駛獨餘披雲名載在此州史
太守今謂誰虎谷天下士五馬行春餘吊古時至止
捫蘿上青霄聽松濯幽耳高懷寄千載游目極萬里
見京亦瞻雲陟岵仍在岷平生忠孝節益爲遷謫砥
再拜甘棠陰召伯有芳軌苟能效微塵盤錯寧憚此
四野桑麻春芃芃望中是全銷逆旅情頗與豐樂似

西望繡嶺宮瓦落卧荆杞砥柱何崔嵬危波激孤峙
慰予獨遊篇雙魚托伊水

神雀臺

陝東有高臺蠹蠹古道傍問臺築何年曰茲歲在唐
神鳥羽赤色葳蕤此廻翔紛披動雲物突沒隨陽光
所貴靈異跡遂永千百霜重華昔馭世覽德來鳳凰
卓哉西岐君鳴鳥亦在崗我明懋神化召協虞周祥
有美丹山姿翮羽來克疆禮羅致南宮雖嗜奏明堂
百鳥戢不語側身避鷹揚九苞本稀世可見不可常

虎谷集

八

翩然振遠翮高臺一相羊臺上何所有飛雲接扶桑
臺下何所有梧竹紛成行雲其霈雨澤惠此中州荒
竹以礪堅節歲晚各蒼蒼椅桐蔽清陰憇者懷甘棠
坐使穎川瑞異代呈閔鄉逝者勿復道鷄鵬羞頡頏

繡嶺宮

燕湖李贊

公餘何處堪登眺異代離宮尚有基今日空林惟鳥
語當時深殿貯螿眉泉聲訝落丹墀瑯樹色疑開翠
鳳旗聞說梁公親侍從此心千載足相師

墨池

學書人去跡猶傳春水湛湛沈煖烟感物何能忘筆
諫知君心更出公權

甘棠驛

蕪湖李貢

惟陝州之有驛何甘棠之擅名曰此召公之所遺有
歌詠於西京昔姬周之興盛公宣布以南行至此邦
而盤桓憇佳樹之敷榮公已去而澤留人見樹而愛
生慨念當時兮千載悵望佳樹兮曷尋惟斯名兮不
朽揭高扁兮常欽送虎谷兮出守想古驛兮常臨皇
有澤兮吾沛民有隱兮吾心他日人思虎谷兮方知
虎谷集

九

人之才無古今

茅津

渺平野之千里有春秋之故津水汨汨兮赴海草青
青兮迎人慨時代兮已改痛往事兮誰陳昔秦穆之
違言乃利危而侵鄰既拜賜於彭衙復遲忿而不按
濟斯津望秦山焚其舟兮誓無還取王宮兮封穀且
尙來蒙耻兮方回顏嗟秦晉之交兵兮已滅魏而煙
滅惟古今之愁人兮聽啼鳥之喧喧送虎谷兮出守
想案牘兮多閑幽懷吊古而有賦兮無惜示予之唐

魏桀草堂

汝南 强 晟

我聞魏處士蕭然逸陝郊平生不作兒女計數椽之
 屋一把茅繞屋好山青未了出沒烟雲接蓬島幽居
 己人帝畫看風月無邊屬詩老吁嗟處士骨已仙琴
 枯鶴斃茶無烟草堂夜夜但明月空有老鶴鳴風前
 南宮先生暫作州公餘五馬來尋幽添茅築土慰精
 爽圖經滲漏勞重修思賢此日元非遠一曲清歌興
 非淺美人解后亦良緣怪底少微光啖啖

虎谷集

張芝墨池

十

我聞張長史醉墨天下奇至今陝郡之域陰猶有張
 史之墨池毛生禿盡不知幾墨卿遺垢油池水驪龍
 夜夜吐元雲黑帝幾回鞭不起長史不復作此池空
 自存獨有牧牛兒時來飲其渾池上忽傳來五馬袖
 得端溪貴無價自臨池水洗鸚鵡白鳥驚飛錦麟下
 一洗肌骨清再洗通神明南宮草聖入三昧長史不
 敢爭聲名三洗四洗金可試洗盡平生不平事州前

鐵漢可與言獨立乾坤勵初志

贈寅長王君知陝州序

宏治丁巳春三月王君應韶上疏極詆中貴闢左道
時論危之天子知其名置不問冬十二月朔車駕還
自泰壇君以事出知陝州予素辱知於君所得於君
者多矣予忍違君乎哉君平生坐立言動皆不苟處
私室如在公門暇日未嘗不對聖賢語予見而悅之
爲性嚴察吏不能售奸當事無忌諱與人交侃侃不
脂韋相逐予見而悅之爲詩文核而奇能自作古興

虎谷集

一

至揮灑辭翰夔絕予見而悅之凡予之所矚括而未
能者皆君之能事予之得於君者多矣予忍違君乎
哉初君弱冠舉進士爲春官郎者七年予始備員從
君後又三年於茲矣恒以君位望年勞當遷予請益
之弗終也而竟以是行於予心何如哉雖然君之行
無歉焉彼有惜君者曰春官郎內也尊也其至於通
顯易也州守外也卑也其至於通顯難也卑且難將
弗獲大厥施乎嗚呼此豈知言者哉今夫抑之而使
揚過之而愈光者道是也古之君子寧屈位以伸道

况未至於屈乎且所謂大其施者未聞有過於周召者矣一陝之墟二公嘗並治焉其後成王又使君陳畢公高繼之觀其言曰爾有嘉謀嘉猷則入告爾后於內爾克敬典在德時乃罔不變又曰申畫郊圻慎固封守以康四海其委任責成至於如此而數公者卒能克成厥功以永有周之盛則夫控制中原之要害以資藩屏之功者其任之重而施之大也明矣他如劉琨之仁化大行陽城之撫字心勞寇準之留心民事皆稱爲陝守之良垂之竹帛以君踐履動法古人不欲以漢唐宋諸君子自許則夫正經界固封疆敬德變時謀猷告后遺甘棠之愛起伐柯之歌以追復二南之化將必有日矣然則予雖違君而陝民之遇乎君也不尤愈於予乎乃若以小蹟大伸羣然爲名位之說予固知非君之所欲聞而亦非予之所以望於君也宏治十一年二月旣望賜進士出身承德鄆禮部主事無錫錢榮書

聯句贈別

去年三月見封章景知是層霄一鳳凰榮流涕漢廷

思賈誼策 觀風南國愛甘棠金 山深花柳遲行騎景

夜久樽罍隘別腸策 離話幾回情轉激濟 秦關渺渺

月蒼蒼策

又

春風五馬別都城策 盃酒聊傾萬古情金 明月不孤

今夜夢景 高山應重舊時名策 謾從詩社憐虛席濟

閒向棋壇憶覆枰策 回首白雲天咫尺金 短亭聊復

駐雙旌景

又

虎谷集

三

十載南宮起令譽策 抗言曾上萬言書策 青天心事

真無愧金 白首交盟定不虛景 嵩嶽凌嶒偏我對策

河流襟帶總民居濟 馬頭隨處清風起策 野望長吟

興有餘金

又

傾蓋論交惜別筵金 坐深青眼更依然景 陽春帶得

車前後策 古洛循來地左偏濟 何處亂禽啼白晝策

幾人流水識朱絃金 東風綠草應南浦景 多少行人

恨轉牽濟

又

晚來高興溢餘樽

濟

世事無端且莫論

策

坐裏燈花

忘漏永

金

夢中詩草憶春溫

景

壯懷激烈空千古

榮

家學分明自一源

濟

匹馬悠悠太行路

策

夕陽長嘯

野雲昏

金

春夜聯句贈行併錄於此濟為杭稽勳景為華庶

吉士策金為陳秦二戶部榮又識

贈別詩序

虎谷王君既有陝州之行凡遊於君者皆為會以序

虎谷集

四

別而白巖喬君則首舉焉是會在靈濟與者九人聯

句得古近體若干首越三日柴墟儲繼會於慈仁出

郭登高視靈濟少四人增三人又聯近體若干首越

四日又會則於杭君世卿越五日又會則於何君子

元其人有同者有不同者各聯近體又若干有前後

凡四會實與者三白巖無弗與也其餘聯句無弗倡

也諸作既具於是歸白巖書之先靈濟次慈仁次世

卿次子元牽連成卷以歸虎谷蓋數年以來贈別之

盛若是至矣實不敏幸得從二君知二君道同志文

同業出入同事視諸同年同朝同鄉者特厚今虎谷
遠去其國白巖何能爲情哉燕餞之不足而召諸賓
客至再三弗已衆人之言一人之意也夫君臣朋友
皆以義合其所厚薄觀其一可以知二竇嘗驗之多
矣昔之人蓋有以招之不來麾之不去爲臣事君之
賢而論朋友者亦謂貴在不可得親不可得疎厚薄
之道畧見於是虎谷素篤於君臣而茲行尤其大者
則於朋友宜其無所薄也凡天下之言交者皆將求
之况白巖其厚者乎竇觀是卷而有感焉因附是說

虎谷集

五

宏治戊午二月二十九日二泉邵竇序

靈濟宮聯句

使車不改舊馳驅

邵竇

西望甘霖正與俱

毛紀

劇郡

分符當路陝

儲瓘

清朝結繡憶綬朱

石璫

春寒晚待

輕陰變

喬宇

夜巧誰憐片月孤

何孟春

試向春明問前

路

陳欽

平平如砥未荒蕪

邵竇

又

東省才名十五年

陳欽

却飛皂蓋過潁川

邵竇

洗心

定閱陳年案

儲瓘

作法曾論顧役錢

石璫

繞郡青山

詩有助

喬宇

旌賢朱紱詔應先

孟春

春來無限雲霄

夢

毛紀

長近蓬萊咫尺天

陳欽

又

東風惜醉是離筵

孟春

琳館相看思惘然

陳欽

共道

今宵須秉燭

邵寶

未論他日欲留鞭

毛紀

衙開山色

南連楚

石瑤

地控河流北到燕

喬宇

試檢漢家循吏

傳

喬宇

幾人名續次公編

儲瓊

又

暫看老鶴下青冥

毛紀

共訝霜毛照廣庭

儲瓊

洛浦

虎谷集

六

神思才子賦

石瑤

涂山人樂醉翁亭

喬宇

春來百興

無端劇

宗

吟罷詩魂正爾醒

孟春

記取元都風景在

邵寶

桃花紅復覓葵青

陳欽

又

飛觴先賀陝州人

儲瓊

高蓋南來得寇恂

石瑤

洛下

采風曾立馬

喬宇

應韶先使河

池中逆浪見攀鱗

一塵不作延年恨

孟春

五嶺猶歸刺史身

陳欽

他

夜梅花堂上月

邵寶

依然風韻共嶙峋

毛紀

又

行春五馬正從容宗折柳亭邊別意濃孟春康濟有

才忻得郡陳欽追隨無計願為龍邵寶青綾舊憶南

宮直喬宇白簡爭傳左掖封儲壻空對空尊聊一笑

毛紀忽驚風雨過高松石珪

又

東風尊酒送君南石珪記得三刀夢裏談喬宇應

嘗夢論宗驛路先聲迎竹馬宗使車餘窾附詩龕孟春

穎川舊守名應並陳欽國賢舊為許州守故云召伯遺墟澤又覃

邵寶他日賜環趨急召儲壻不妨重為整朝簪毛紀

虎谷集

又

偏側離心不易降喬宇共尋幽閣倒春缸石珪清風

一路應隨馬毛紀碧洛交流正繞樓儲壻勸課漫勞

經濟手邵寶俯歌休作別離腔陳欽宦途眼底誰平

步孟春鎮定才華見擊撞宗

又

中年苦作別况此平生游儲壻夜來愛明燭欲去且

復留邵寶清尊信奇物豁我萬古愁毛紀俯看春浪

生汎汎一虛舟石珪道人地自靈風雨撼龍秋喬宇

大春豈無贈奈此柳未抽孟春 水雪釀餘寒光生五

城樓陳欽 健馬當歷坂終為伯樂求宗 吳鈞未全試

奮激鬚如虬儲瓘 嵩雲為君開倏忽當軒流石瑋 笑

談擬周召坐鎮東西州邵竇 遺風續甘棠懷賢忽輕

邱石瑋 正途在伊洛吊古且廻輞喬宇 秋哀潼關戍

東恤閬鄉囚儲瓘 律學漸可讀兵機慣能籌喬宇 誰

言將送煩竈見疲癯瘠石瑋 興神動高咏響振山幽

幽邵竇 吾生本慙直不識絃與鈎儲瓘 望塵者何人

豈雪此穎羞喬宇 壯哉烈士志難與俗子謀邵竇 賦

虎谷集八

非湘水弔書待周南修儲瓘 放歌不能罷仰見星河

浮陳欽 一笑送君去天未生清秋毛紀

慈仁寺聯句

暫憑高閣倚清空儲瓘 洛水秦山一望中新貴 千里

情深春草色杭濟 一簾香坐雨花風喬宇 餘生到處

晉君賜李贊 古郡傳來有召功楊廷 看鏡肯憐雙鬢

改白鍼 此心元不是飛蓬吳儼

野寺春明煥物華李贊 離情詩思雨無涯廷和 青青

柳弱那堪折白鉞 白白雲深半欲遮吳儼 河上分符

詞客遠趙鶴 省中看疏侍臣嗟備璣 長沙不久應前

席斬貴 莫向滄江問釣槎喬宇

又

芳春離夢繞昆盧喬宇 太守前旌已在途李贊 樹老

甘棠重作蔭延和 律回幽谷更嘯枯白鉞 虎岩月白

逃狐兔吳儼 棘路風清起鳳雛趙鶴 攬轡知君無限

思備璣 且憑山色倒春壺斬貴

又

虎谷集九

客路煙霞駐蓋時趙鶴 問君垂組欲何之備璣 天連

春水孤帆遠斬貴 樹隱晴龕午梵遲杭濟 郡入宏農

多漢蹟喬宇 官思宗伯尚周儀李贊 鯉庭縱遠離憂

少白鉞 移孝從來慰所思延和

又

春風隨馬赴伊瀍杭濟 聖代專城每得賢喬宇 望重

儀曹非筮仕李贊 詩傳吟社已連篇延和 朋簪暫盡

歡仍劇白鉞 歧路將分恨轉牽吳儼 欲盡離觴迴反

照儲璣 薊門千樹渺雲煙趙鶴

又

禁城花柳欲分春吳儼 殘雪多情洗陌塵儲瓘 晴閣

浮暉朱網動趙鶴 野橋生暖碧波鄰喬宇 庭闈北戀

瞻雲日李贊 消息先傳聳吏民廷和 莫道長安與天

遠白鉞 寸心元不隔楓宸斬貴

又

十年交誼重青雲白鉞 尊酒於今且暫分吳儼 草舍

春郊催曉騎趙鶴 山連平楚憶橫分儲瓘 儀曹事業

乾坤在斬貴 虎谷清名遠近聞杭濟 我亦從來輕賦

虎谷集

別喬宇 高歌元不為離羣李贊

又

春官領郡散陽和廷和 千里遙添喜氣多白鉞 笑把

一麾西近陝吳儼 擬陳三策北防河趙鶴 晨裝共訝

圖書重儲瓘 曉夢猶驚劔履過斬貴 最是當春惜離

別杭濟 春陵誰和次山歌喬宇

又

寒勒幽蘭未見花斬貴 自緣春色遠天涯杭濟 將分

自陝東西地喬宇 官坐如曹早晚衙李贊 少借詩情

供吏事廷和只憑清操息民譁白鐵山城更鼓分明

夜吳儼應有賢書報政嘉趙鶴

世卿席上聯

行日無多思別深李贊惱人花事半晴陰喬宇觥觥

共惜如風手孟春帖帖誰持似水心邵寶秉燭桃園

眞勝會杭濟下車棠樹可幽尋李贊尊前莫怪歌聲

激邵寶洛水秦山有賞音孟春

又

春色無端已二分邵寶一瓢清社惜離羣杭濟東周

虎谷集

化遠西連晉喬宇南國經傳托到汾李贊待漏此心

猶夢警孟春瞻雲隨地有書聞邵寶行行莫弔梁王

傳孟春聖主深恩過漢文喬宇

子元席上聯

五馬恩光照陝東毛澄十年郎署仰高風顧清甘棠

陰裏今猶古邵寶老柏窻前我與公喬宇封事避人

焚舊草汪俊危根隨地託孤蓬孟春離情莫問春深

淺陳欽且對花枝一笑同吳一鵬

又

君去年年馬又東毛澄一鞭千里躍清風顧清行囊

肯以詩爲累孟春斷案應知判獨公喬宇雪沮昌黎

猶識路邵竇家懷度索忍看蓬汪俊潔齊不作無生

嘆孟春曠達從來我輩同吳鵬

虎谷集



贈行集

擬別知賦

贈吾友王陝州也

樂平喬宇

巍哉太行之嶙峋兮盤厚地而塊北枕三晉而控燕
齊兮萃扶輿之滃淖中峻迤爲虎谷兮窺上黨而崑
巖蕭修嫵於若人兮瓌淑姿而秀拔鬱疆理之相望
兮屹北巘之橫岡前石龕而後栢巖兮曰吾與子之
舊鄉曼余目於寰區兮周流四方久乃下觸世路之
崎嶇兮蘊素修而莫寫舍結惰以延佇兮爰締盟而
要之悵吾道之弗返兮諒伐木之在茲揖東皇而導
虎谷集

文昌兮遂騁步乎曲江啟閭闔以遙籍兮寤委質於
遭逢聽鏘鸞而侍玉螭兮充下位於南省縉江離與
芳芷兮佩夜光之耿耿幸朝夕以輔仁兮緡載籍以
校文心怦怦而亮直兮匪吾人其誰敦何浪跡之靡
處兮怊怊怛而多虞辭京洛以載入兮迭日月而居
諸邈正學之湮淪兮羌永嘅乎遺矩撫徽言而奮力
兮共分條而析縷末俗日以工巧兮競呶訾而譴謾
指迂狂以嘲誚兮曰非哲人之所安步踽踽而徑趨
兮言侃侃而不惑苟余分之當然兮又奚較孰失而

孰得排異端而昌言兮邁允踐於厥躬怒汗顏而洪
忍兮固余心之所同荃蕙化而雜揉兮紛魚目之混
珍也悄悄而介立兮鬱孤憤之莫伸也迺豐隆而
上征兮叩帝闈以懲艾皇穹直無私阿兮圍萬物而
無外雷霆修鼓以威兮忽雨露之沾濡殆苦心而抑
志兮彼焉知造化之所如羞瓊枝以戒行兮葺蘭茝
之初服忻順受以康樂兮匪愆尤之是贖出國門而
南驚兮指甘棠之遺墟帝重念此烝民兮簡賢勞而
受圖竊值個以鄣靡兮矧矧其塊處也恫麗澤之漸

虎谷集

二

違兮思好修而莫吾與也淑景轉而思春兮撫白日
之衆芳旃旌搖搖不可以止兮意緯繿而難忘雲屏
屏而結蓋兮馳余情以求索覽蓬瀛而歷崑崙兮隨
上下之所適惟人生之大節兮曰行義而不頗嗚彼
氓之栗斯兮沫襲愆而踵訛乘嘉運以遠遊兮豈君
子之獲多輕陰若而有寤兮雖外處其亦何嗟孱余
質之恂慙兮憫悟道之不早窮年矻矻而未得兮恇
役心於辭藻中忉忉而外觸兮聊徒倚而遐思會晤
不可常眷眷兮嘆中道之分岐余固知嘒嘒而無所

用兮惟知我者之難得往事旣莫余追兮庶來今之不忒莽倂倂而欲有贈兮具前修之格言尚崇德以永譽兮矢斯盟之勿諉

贈行韻

長洲陳璠

常羨髯翁引鳳雛論高慮遠世嫌迂今無地著奇男子後有人稱大丈夫豈肯皺眉當綠酒還看掉臂策驪駒方州落手堪行道要使齊民凋瘵蘇

送王陝州

傅潮

山比孤高玉比清應知此出是榮行霄呼舊數驚人虎谷集

三

句骨鯁兼傳瑞世名共惜深懼違綠侍卽看善政到蒼生寰區拭目瞻星鳳文采翩翩畫不成

送王虎谷之陝州次錢世恩韻 彭桓

行藏如此我何諛權貴分明用筆誅盡使功名隨世就却將道義仗誰扶春明門外俄千里砥柱山前只一夫莫信暗冰妨着脚幾人顛躓不曾趨

十六日大風懷王祠部

劉瑞

長安曉起翻黃埃狂飈劃爾從西來初疑混沌欲開闢旋覺樓閣迷崔嵬海濤千頃擁平地半空誰遣轟

驚雷倚墻大樹抱幾合高枝拂地低枝摧飛沙墮瓦
不知數重門深閉曾誰開耳邊澎湃已三日餘饗尚
在仍徘徊我思太行有奇士如何坐事縲西臺西臺
此夜不可道寒氈老屋爐無灰平生磊磊金石抱世
塗巖嶮真難哉兀坐孤燈過三鼓訶殘伐木令人哀

又病中送王虎谷謫陝州

張志淳

強扶新病致新詩義在投心不在辭雨露十年從此
別風塵兩地結相思矜誇多得知還淺標榜高名見
恐卑隨道卷歸舟不繫料君懷抱迥無涯

虎谷集

四

又韻

虞牧多煩漢署郎朝簪忽換郡侯章諫書一洗三槐
恨確論重揚百代芳豈止州民蒙德澤定看伊洛避
文光由來法印非溫飽到處知君樂且康

又韻

高歌一曲過行雲世事茫茫詎足云瀝膽獨期無負
國吹毛誰肯放過君地方潮柳還堪喜郡跨周秦合
費勤願把真誠移撫字始將幽興托詩文

又韻

皂蓋朱輪暫屈才鳳城翹首莫徘徊民間重困關心
久天際輕陰計日開詩社最憐盟主去郡民人賀福
星來錦囊竚看還金闕遍寫中州物象廻

送應韶之陝州

王倫

王君應韶文章政事節行俱出人表向以職
事直言不顧象皆危之近得罪謫陝州故縮
紳之士咸重應韶之名昔漢宣帝試蕭望之
於三輔太祖高皇帝出宋景濂為知縣蓋昔
欲老其才而大用之也應韶今日之行又焉
知非聖主之意將玉汝於成乎予與應韶為
同年同僚知之深而望之切故於其將行作
此以贈

奇才正學重名公直節清修激懦風劉向盡忠忘顧
虎谷集

五

忌文皇好諫每優容去因微罪恩何厚出守名邦任
亦隆民事暫從三輔試違期功業古人同

次前韻

晉陽王瓊

千載甘棠頌召公陝州應許繼流風久知羲易占无
妄會讀周書訓有容鄉里衣冠名獨重少年勲業望
方隆近民慎勿嫌平易君子由來但貴同

次前韻

無錫鄒寶

一杯東送柏函公手挽虬髯對曉風遠道朋遊真落
寞清時州郡亦從容題衙以將名應舊臨講兼師禮

更隆他日忠言今惠政江湖廊廟本來同

前題

山陰 王鑑之

少年才氣貫長虹便有文章動鉅公
抗疏幾回扶正學謀身一意仗孤忠
聲名要使同前哲踪跡從渠任
轉蓬暫把一尊澆磊碗直將心事付蒼穹

前題

楊 廉

直言前日士夫驚知有今朝陝郡行營救獨慚臣膽
小保全忠賴聖心明閭闔此去看歌誦閭闔重來聽
叫聲雙鬢尚元官五品他年遠大望功名

虎谷集

六

前題

仇 東

宏農自古稱名郡聖主憂民出省郎
共訝一麾新剖竹獨違雙闕罷含香
春深聞鴈過漳水天霽停驂看
太行豈但甘棠追舊詠漢廷終見召王陽

贈行

陳 策

二月望後一日得會世恩宅歸自馬上口占一首

輕雲黯淡輕風疾馬上行行何嘆息
昔有長沙慟漢庭今見王郎與之匹
仰視皇天天不言滿空惟有月娟娟
西遊太行下碣石便覺春意回頭連

前題

吳一鵬

原札云陝州命下士論惜之然在執事視局猶伸也小詩奉慰多見其贅耳笑而置之

心事真堪問鬼神不妨逢轉任風塵賈生漢室曾流涕韓子潮陽敢愛身雲泐家庭懷鯉對天高宮闕戀堯仁一麾仍有專城寄未必青山是逐臣

前題

楊節

乾坤正氣屬英雄此日封章啟舜瞳闕下未曾除首惡陝東先已斥孤忠斗山忽起蒼生望霖雨終爲聖主崇周室欲安天意在肯教亶父久居東

虎谷集

七

前題

無錫錢榮

此心肝膽嫉奸諛一疏嚴於斧鉞誅直道自甘隨處樂孤身端不仗人扶更新事業看儒吏依舊旌旄建大夫砥柱山頭獨揮手黃河千里正奔趨

前題

豫章范光祥

都門萬里陝州程匹馬東風送客行坐謫如陞名愈重孤忠中法禍先萌是非不待百年定勝負何須一博爭天祚吾皇終見召路傍遊子莫相驚

贈別

蕪湖李貢

貢往歲差清口辱公長句爲贈別後展讀前
卷感懷之餘謹次韻奉寄

君行有期我不悅欲向都門挽旌節僕夫曉發人不
知夢裏髯郎已成別髯郎所養負正氣往者譽譽奮
雄舌披肝瀝膽數千言不是爭名較污潔機牙巧伏
衆方危理命自安心不折憂如小范無近遠哭比長
沙仍嗔咽經綸事業一肩擔鼓鑄鎚雙手挈九重
咫尺豈萬里重瞳展轉非一瞥虛懷擬洽魚水情投
閒又中鬼蜮說朝廷待遇禮不薄朋友論舊道眞缺
送行無詩執手悲借抄有草汗顏闕天機轉動在須

虎谷集

八

與人事虧誣盡渝雪西行數月星宿應北來一騎風
雲掣輿論中外正掀騰薦草南北何紛迭入覲惟知
舊典遵超遷自與長流別十年學道今可傳一德潛
孚心不熱關輔翼翼山水雄庠序
襟珮綴定知
講授泝程朱亦有詞章過江浙海陵不獨安定胡河
東重見文清薛髯郎致身本卓犖聖主用才亦奇絕
半夜行召誰進對前席尚虛不曾徹陟降有筆可紀
錄左右無人更媒孽歸來臺閣已預卜從此歲月須
思操不才碌碌甘愚騃華髮紛紛玷交結起看華嶽

萬仞高一夜愁城手難閉

前題

張子涓

乾坤公道復如何五百年來見不多氣壓貂璫孤節
勁文排佛老羣山磨雖爲去國餘千里畢竟還朝主
二和病裏不勝情事感甘棠先代陝民歌

前題

何孟春

折柳亭邊歲一初春風管領上單車名當去國方難
避計不謀身未是疎時政論餘饒感慨騷辭讀罷幾
躊躇陝州今見文章守天屈清才試簿書

虎谷集

九

會合與餘集

贈虎谷入覲擢陝西提舉

喬 字

原札云兩日來恨不得即出城一見以慰所思簿書叢沓中聊述口號用代晤語若此者悲權離合可喜可愕之事須面乃能盡也

使旌遙駐白雲西眼渴因君望欲迷誰遣隔城巖倒
禁尚驚聯署杜詩題西周豐芑聲先到南國甘棠頌
可齊心事別來千萬種雪堂樽酒待重攜

再疊前韻

幾月分符向虢西直將冰鑑起沉迷彤庭詔下輿情
虎谷集

愜憲府名高御筆題感事竟如弓矢楚匡時全異瑟
求齊苑東珂馬朝回地猶記天香並袖攜

贈虎谷次喬考功原韻

邵 寶

幾夜懷君洛水西屋梁顏色夢中迷風霜已報新消
息山斗終歸舊品題七日天心真自復百年人事本
難齊邃菴故有登臺餞肯許春醪更一攜

前題二首

李 贊

歲杪心旌日颺西洛車何處使人迷書堂久下南州
榻詩社先分虎谷題被命已知多士恊入朝還與眾

官齊釣魚臺好風光在行日春觴取次攜
東風承詔向關西衙柄傳聞善指迷選士自收三輔
最考文心揭六經題華嵩名嶽歸遊覽周漢遺風入
整齊更喜庭闈同道路沿山車蓋看扶攜

次白巖韻一首

王瓊

故人五馬避城西風雪漫空望欲迷正訝郡中書久
絕忽看寺裏句新題師儒事業關閩在忠鯁聲名泰
華齊鄉里英賢真不乏疎慵如我肯相攜

次前韻二首

張志淳

虎谷集

二

燈前重共玉東西喜合翻疑是夢迷卧病經年懷舊
雨到門凡鳥識新題故人有約皆真率雅會無豐自
整齊獨訝臨枰何太遜敗來如取復如攜
楊公冰鑑照關西繼往何人稱指迷衆口共推名下
士師儒先荷御前題黃河水險通天上華嶽峯高與
日齊老杜後來形勝索煩君此去爲招攜

跋會合餘興卷

湯陰

蘇宏祖

童時讀虎谷先生上邃菴書清風穆如輒慨然想見
其人然亦不知先生爲和順籍也丁亥夏承乏此邦

悉其立朝風節名世文章拜謁祠下索其家乘而讀之呂涇野公碑志外寥寥嗟呼先生事業在一時知交滿海內唱和遺編烟飛雨散文獻無徵良足慨也適趙文學漪傳伊戚陳氏藏會餘手卷欲鬻因以俸金易之則樂平喬冢宰太原王司馬無錫邵都憲手跡爛焉其一爲李君贊其一爲志淳雖不悉其里居宦業然自先生以推測其人當亦表表當年者矣把玩之餘因知古人之交人與人交也如此已而思之此數行墨瀋在好事家不過文苑之懸黎結綠耳若

虎谷集

三

在王氏則王氏之天球河圖也何可居籬落下認爲己物哉因手授公之孫茂才王君吉士曰此君家舊物珠還合浦璧返邯鄲其善視之嗟呼兵燹之餘縹緲易散卽如此卷公之子孫不能有而歸之陳氏陳氏不能有而歸之予予不忍私而復歸之公家數十年間循環如此百年之後吾又安知此卷之終爲王氏有耶雖然元成遺笏帝子珍視敬宗舊硯子瞻唾去物之所重果何在也後之得是卷者不知虎谷先生則已苟知虎谷先生也便宜訪其家而還之庶數

君子之詩魂借先生之式靈山高水長乎

虎谷集



校刊虎谷集姓氏

考訂

和順縣令

雷學淇 字瞻叔號竹鄉順天通州人

司局

和順縣訓導

張問達 字子聰號鶴臯山西交城縣人

繕寫

監

生

麻成冕

生

員

趙一鳴

九

世

孫生

員

王欣周

十

世

孫生

員

王文湛

姓氏

十

世

孫生

員

王暉

十

世

孫生

員

王三接

校字

十

世

孫監

生

王文星

十

世

孫監

生

王曜

十

世

孫監

生

王恩仁

十

世

孫生

員

王緝熙

十

世

孫生

員

王三多

十

世

孫監

生

王三株

